

汾州府志目錄

例言

圖

表

以上  
首卷

沿革

卷之一

星野

疆域

以上卷  
之二

山川

卷之三  
卷之四

城池

官署

倉廩

學校

壇壝

以上卷之五

關隘

營汛

驛舖

以上卷之六

戶口

田賦

鹽稅

以上卷之七

職官

卷之八卷之九

宦績

卷之十卷

食封

流寓

以上卷

人物

卷之十三至

義行

卷之

科目

卷之十八

仕實

卷之

列女

卷之二十一

古蹟

塚墓

以上卷之

祠廟

卷之四

事考

卷之五

雜識

卷之六

藝文

卷之二十七至三十四

汾州府志卷之二十一

列女上

郝中允戴之妻聶氏戴以孝行著親歿後篤行苦節不仕姻族語其妻使勸之仕曰吾不德無以助君子敢強其所不欲以累其高哉聶事舅姑亦以孝著

石州定胡縣

右宋一人

張崑起妻失姓氏起爲國子助教免歸盜陷汾州崑起與妻並赴井死

汾州人

右金一人

姜鳳舉妻皇甫氏夫歿或勸之再適泣曰禽鳥且有不可

再配者人可反不如乎況舅姑老子幼何忍棄之泰定

中詔旌

汾州西河人

右元一人

郭世玉妻陳氏年二十一夫歿子纔一齡事舅姑撫稚子真心苦節兩遇兵燹踰九十乃卒洪武中詔旌

劉景博妻矯氏夫歿五十年人未嘗見其貌有一子雲漢紡績以養雲漢後官寧夏訓導宏治中詔旌

舉人常祐妻謝氏夫卒於京家貧舅姑老子纔一齡謝盡孝道知州曹寵陳秉忠相繼牒於巡按額獎之

鎮國中尉朱知燦妻賀氏封恭人見中尉病不起欲先

死以殉遂絕飲食與知熈同日卒時嘉靖二十七年慶成王表樂爲奏聞禮官按典無旌命婦例世宗特命旌之謚曰貞烈

鎮國將軍朱奇添妻王氏少寡奉姑稱孝年八十餘其子輔國將軍表杞以狀聞嘉靖三十九年賜勅遣行人梅惟和詣第旌獎

韓秀妻謝氏夫歿年十七守志節隆慶初知州齊宗堯額獎之

王蜀妻侯氏年二十一夫歿卽欲從之死家人防守潛吞毒同日卒按院奏請勅旌

鎮國將軍朱敏濬妻賈氏年二十五夫歿矢志從死衆  
慰止之不百日哀毀死巡撫按院俱有匾旌

張大化妻原氏年二十二夫歿事繼姑盡婦禮苦節撫  
孤巡撫按院俱額表之

田贈妻武氏年十七夫歿紡績撫孤苦節四十餘年巡  
按額表其門

生員賈庠妻王氏夫歿自刎死學道南居益額獎之

生員賀時泰妻賈氏夫歿至貧事姑孝年饑自食糠教  
子讀書苦節三十餘年卒於明末未舉題曾孫德藩康  
熙己卯舉人



田伯松妻朱氏。伯松歿，舅姑亦相繼歿。伯松有幼弟甫生數月，朱撫之長，娶婦，尋夫婦皆卒，遺子芳。朱育爲己嗣，教讀書爲庠生。巡撫額其門曰：「一世維風，歲給穀二石，布一疋。」

慶成王審贐妃武氏。崇正癸未冬，李自成渡河掠蒲坂。妃聞之，不復櫛沐，宮媪以問。妃曰：「天之所壞，人不能支。我待死而已。」旣而賊至，將入府，妃赴井死。十閱月，屍始得出之，面如生。

李茂材妻劉氏。隨夫避賊崖窟，賊索得之。茂材見殺，劉枕夫屍大哭，賊擁上馬，投地罵賊，所脅諸婦羅勸罵益

甚賊怒舉刀斫之三以死

朱新堞妻盧氏妾薛氏馮氏新堞晉恭王十七世孫也  
家汾州崇正十四年知中部縣會賊入關傳檄至新堞  
方巡城怒而碎之誓必死以守妻妾三人請先自經有  
女方數歲亦隨母死

李桂妻蘇氏千戶謝德妻王氏田訥妻郭氏劉鎧妻段  
氏樊鶴妻任氏常保妻田氏俱以節孝詔旌又生員田  
一蘭妻張氏李金榮妻吳氏蔚大賢妻郭氏並守志節

汾州府

三孝女趙氏其父老無子三女及笄俱願侍養不嫁父

歿三女躬負土爲墳高三十尺周二畝餘各植柏一株  
正德間夜有盜樹者樹將斷斧聲徹村墟聞二十里鄉  
人以其爲異乃出逐尚存柏一株咸呼爲孝女墳

生員相仲禮妻于氏正統十八年夫歿刺一目以矢志  
姑年八十子纔三齡于勤紡織以養姑撫教幼子奏聞  
詔旌

生員李華妻矯氏正統九年夫歿舅姑俱八十餘子憲  
生纔十月矯事育盡道憲長亦克孝官布政司理問宏  
治中詔旌

李辨妻梁氏夫早亡子頤生纔八月梁躬紡織撫之長

成化中詔旌頤膺成化乙酉鄉薦官鞏昌府通判人爲  
立生祠十所事母稱孝

孚得海妻郭氏隆慶元年俺荅兵入境郭被執賊欲污  
之郭厲聲曰寧碎身死不辱身而生遂見殺有一女尙  
幼隨郭在側能具道訓導程文表其墓

鄧良臣妻張氏年二十夫病篤語之曰親老汝肯爲我  
事否子幼汝肯鞠否張泣曰分也及歿甘貧孝養有司  
額其門曰乾坤正氣子希信以貢生官夏縣訓導

蘇士學妻李氏年十九夫歿長子繼在抱次子續方娠  
李事舅姑撫幼子苦節六十年奏聞詔旌

李蘭妻劉氏年二十二夫歿子在襁褓紡織撫孤苦節  
守貞五十餘年巡按額表其門

石廷學妻任氏年十八生一子數月而夫出客死他鄉  
任守節撫孤巡按額其門曰柏臺旌節

王廷明妻李氏隆慶元年俺荅入寇抱幼女隨夫避兵  
未至城里許賊突至欲掠之去殺女并殺其夫李抱夫  
屍痛哭奮罵不屈遂被殺城上人望見之

毛世武妻鞏氏夫出亡里中兒以褻語嘗之氏厲聲大  
罵爲所殺守道巡按俱以貞烈表其門

溫登魁妻梁氏年十九夫歿撫幼子甘貧守節姑強之

嫁梁以刀墮三指示志卒完節以壽終。

雷三畏妻郝氏年十七夫歿子生纔三月既葬夫或勸之嫁郝指稚子曰我之不死者以有雷氏此子也事姑撫子三十餘年罕有見其面者萬歷中通判脩憲額其門曰北宮苦節。

任建妻溫氏生員梁士豪妻田氏王胡妻郝氏知縣梁

欝妻曹氏妾闔氏並守志節。

以上平遙縣

文整妻李氏年二十三夫歿守志撫孤正統十一年詔旌。

羅維妻宋氏年十八夫歿生子纔三月守志撫孤有司

以聞成化二十三年詔旌

宋彬妻羅氏年二十一夫歿家貧紡績自給嘉靖七年詔旌

李廷保妻秦氏年十八夫歿家貧無立錫之地勤紡織茹糟糠苦節堅貞有諷之嫁者自殘其面毀容貌壽至九十餘終萬歷中知縣史記事立碑表之

郭朝臣妻羅氏年二十三生一女夫病篤謂之曰爾年少我死必擇可嫁者羅泣曰吾不忍聞此言有死無二願先死不使夫有不了事及將絕曰不可爲矣遂自縊次日夫死

王附學妻梁氏年二十五夫歿孝事舅姑撫孤子壽九十五終嘉靖四十一年詔旌

喬士恩妻郭氏年二十五夫歿撫孤守志孝事舅姑壽七十八有司額表之

宋尙志妻文氏年二十一夫歿守節撫孤天啟中詔旌郭宗妻王氏有姿容一日薄暮宗出惡少潛入其室急大聲呼鄰里惡少逸去宗還白其事且曰我雖未受辱豈忍受強暴抱持遂自縊巡按移檄撰碣表墓

王天福妻梁氏天福病噎梁焚香祝願與同死及夫歿越數日食杏仁死



王睿妻鈕氏鴻臚寺寺丞王嘉璋妻趙氏俱以節操稱  
趙年二十方娠而嘉璋歿守志撫孤子長爲諸生有司  
表其門曰節存宗祀

庠生張翼儒之子婦閻氏甲申之變恐被辱自縊死  
文雲鳳之母及妻並失姓氏雲鳳以材武選充近侍母  
與妻俱在京師甲申之變雲鳳以爲臣死忠與母訣母  
曰吾從子食祿天朝寧自生願先死以成子志遂自刎  
雲鳳及妻女皆焚死

以上介休縣

任全繼室張氏年二十夫歿有前妻一子文約纔三齡  
張守志撫孤其後孫女二一適劉公順一適李願皆夫

早歿勵志節終其身

吳全妻張氏年二十夫歿苦節守貞春汲緝紡以養姑戚屬有以貧諷之者卽面斥不與更見及姑卒甘處困窮以終

監生田賦妻霍氏賦有孝行以母憂病卒霍慟曰吾夫死而吾獨存耶縊喪次家人救免賦旣葬乘間卒自經賦弟貢之妻吳氏夫早歿撫孤永錫及長娶婦郭氏永錫有孝行又早歿郭亦矢志守貞趙訥記其碑陰曰吳郭之節永錫之孝皆不可無聞於世

張烈婦楊大仁之妻也大仁多從匪類遊有曹姓者嘗

其家見張有色。一日探知張歸寧，要於廣仁寺後之墳塋，給以夫在內，欲有語，未入垣，卽牽衣欲逼之。張力拒，罵罵被殺。

生員任希閔妻趙氏，年十九，夫歿，子朝生纔月餘，守志撫孤，事舅姑甚謹。朝宗後官睢州通判，嘉靖中詔旌生員張荷妻王氏，年二十，夫歿，苦節守貞，事舅姑孝，學道表其門，曰貞節第。

鄆縣知縣馬廷華妻王氏，廷華卒於官，子又殤，王爲夫樹坊表，易產業不足，出糶奩佐之，曰：夫旣無後，庶藉此以傳於世。萬歷中，知縣胡來觀表其門。

華門妻傅氏教諭傅相之孫女也。俺荅兵入寇，夫爲賊所殺。傅聞投崖死。

生員史宗王妻孫氏，俺荅兵入寇時，孫年二十，方娠而夫爲賊所殺。矢志守貞，冀有子以承夫後。及生，果男也。撫教之。萬歷乙酉，舉於鄉。知渭南縣，有司奏請詔旌。任克己妻孫氏，俺荅兵入境，掠其家。孫扶姑伏草中，兵先殺姑，脅從之。孫罵不絕聲，復以刀斫其髮，不屈。賊知不可奪，刃其腹而死。任自修妻程氏，流賊至境，肆掠入其室，欲污之。程罵不絕聲，觸壁而死。

女生員武有昇之女也字柏氏子未嫁而壻夭女  
再字父母憐之仍爲議婚納徵者至女聞入密室  
自經死事聞詔旌

人孫章妻李氏呂鐵妻韓氏拔貢張正志妻任氏並  
守志節以上孝義縣

生員冀善妻嚴氏年二十夫歿子纔二齡父母憫之令  
再適嚴曰吾爲士人妻豈效讒婦行以自玷邪事舅姑  
撫幼子閨門肅然壽八十五終宏治中知縣盧安上其  
事詔旌

韋太妻李氏夫早歿矢志撫孤子長官州判宏治二年

詔旌

喬廷瑞妻高氏年二十四夫歿自縊死

武勉仁妻高氏年二十一夫歿子績纒一齡苦節撫孤  
績長爲諸生嘉靖中知縣楊尙義請於巡按立坊表之  
三廷佑妻郝氏年二十三夫歿養姑撫子自首不櫛沐  
巡按檄縣立坊表之

袁汝器妻穆氏夫歿無子矢志守貞舅天保潛受郝養  
志財聘穆知之自縊死知縣常時芳申請給祭葬額表  
之

趙從東妻劉氏夫歿無子戚屬諷之嫁曰禽獸之不若

不可爲也。繼子環未幾，蕩產殆盡。劉乃刺繡自給，壽八十六終。

王大賢妻薛氏，夫歿，子三聘纔二齡，撫之長，爲諸生娶郭氏，而三聘又早歿，子守中纔四齡，家本甚貧，皆苦節守貞。

賀承惠妻陳氏，年二十五，夫歿，子誥纔四齡，績紡撫孤，誥爲諸生，萬歷中，詔旌。

知州郭有爲妻任氏，子孔亨妻白氏，孫肯構妻高氏，三世孀居，節操如一，有司表其門。

編脩舜妻郭氏，年二十四，夫歿，姑亦以痛子繼歿，郭結

據兩喪子嶠纔六歲岫三歲有叔姑欲奪其志郭剪髮  
矢志刺膚撫孤二子長皆爲諸生萬歷中知縣常時芳  
上其事詔旌

郝有成妻崔氏年二十四夫歿子騰纔四齡孝事舅姑  
撫幼子騰長爲諸生萬歷中知縣劉汝哲上其事詔旌  
生員殷福妻郭氏夫歿撫子永泰長爲諸生未幾永泰  
又卒而舅姑尙異賓郭拮据合葬焉萬歷中知縣楊如  
魯嶺表之

劉慎體妻韓氏年二十三夫歿撫二子光祚建鼎及長  
俱爲諸生天啟中知縣李度請旌未報



賀寧邦妻賈氏年未二十聞流寇攻城入恐見辱抱幼女投井死。

郭增妻高氏聞城破賊已入倉皇自經死。

高烈女高汝賢之女也年未笄賊掠之馬上女投地罵賊扶上復墮者數四遂見殺知縣登城守日觀其狀表以額曰正氣干霄。

樊節妻劉氏崇正五年賊陷城爲所掠罵賊死知縣申請額表之曰女丈夫。

歲貢郝孔照妻陳氏聞賊陷城登城自墜死旌曰貞烈。

以上

生員李元法妻賀氏元法罵賊死賀矢志撫孤二子及長皆爲諸生

任自立妻許氏崇正五年賊破城入同子起家妻趙氏俱墜城死有司表之曰一門雙烈趙有子二長積慶次長慶後長慶官淮安府知府有惠政

生員王珙妻鄭氏歸珙未踰年珙歿矢志守貞事姑九載曲盡孝道姑卒有欲奪其志者鄭歎曰吾之不死以有姑也今姑死何以生爲遂自縊

張法聖妻李氏義士李士法之女也年十八夫歿守節二十餘年會李自成之亂投井死

元妻劉氏年二十夫歿子生纔數月苦節撫孤有  
奏請詔旌

庠生鄭維賢妻孫氏年二十五夫歿甚貧苦節守貞壽  
七十二終旌表祠祀

以上石樓縣

梁烈婦梁仲女也適生員阮福福交趾人父寧爲青龍  
驛驛丞福死梁年二十亦自經成化中有司奏聞詔旌  
張璞妻李氏年二十三夫歿事舅姑以孝稱矢志撫孤  
四十餘年嘉靖中知州王遠以其事聞詔旌

生員閻文淳妻王氏年十九夫歿無子而甚貧矢志守  
貞壽八十一終嘉靖中知州張錡常餼米肉奏聞詔旌

安勳妻白氏嘉靖辛丑寇亂白從夫匿土穴寇攻急令夫逸去罵賊不屈身被十餘創死明年奏聞詔旌

牛宗近妻李氏俺荅兵入寇夫婦俱被執李以身蔽夫曰寧殺我毋殺夫賊並殺之明年詔旌

侯景儒妻吳氏賊至走避山洞中賊烽四起知不免乃棄兒投水賊急挽之載馬上吳刺面怒罵遂被殺

其膽張環妻李氏張蘭妻馮氏俱孀居守志罵賊被殺又喬甫妻郭氏亦以罵賊死明年並詔旌

賀烈女年十七未適人嘉靖辛丑從父匿山谷爲賊所獲強之行不從賊支解之明年詔旌

溫烈女年十六嘉靖辛丑被掠女仆地不起罵不絕口賊怒斷其頭以去明年詔旌

生員張鏊妻崔氏夫早歿無子守節五十餘年奏聞詔旌

生員車煜妻張氏年十九夫歿無子卽自縊奏聞詔旌  
張珊妻王氏年二十夫歿事舅姑盡孝道壽逾七十終  
奏聞詔旌

按察司副使胡汝輔之側室鄭氏少貞靜言笑不苟汝  
輔疾革先自縊有司表其門

生員車坦妻胡氏年二十五夫歿甚貧苦節五十餘年

事聞詔旌

山東副使喬應光妻蘇氏生員車同軌妻喬氏隆慶元年城陷俱赴井死都御史並請旌表是年石州之變自縊投井者廟宇井坎所在皆滿權州事李春芳爲收男女名瘞一大塚得旌者惟蘇喬數人其湮沒不傳者不知凡幾而石州巡檢劉祐任邱縣人秩滿同子治起文在省適石州陷其妻董氏與女挽髮環抱投井死治歸爲幼子所牽遂被掠祐聞變趨歸莫得家人所在會治婦乘間逃還語其狀始緹井出之母女抱如故當事義之爲治殮給驛歸葬

張鏞妻王氏年十九夫歿無子矢志守貞四十餘年有司額表其門

崔某妻王氏王惟春之女也其夫弟欲污之王罵退遂自縊後夢其父寃得白巡按立烈婦碑以表之其文曰質清冰玉節勁松筠明嫌惡辱死不愧心蚩蚩夫弟那知人倫一日投繯千古名聲

崔烈婦崔有福妻也甲申之亂爲賊將田虎所執罵賊以死其子同時被殺

張瑛妻梁氏年十九夫歿子方在襁褓矢志撫孤壽踰七十終有司請旌表

王廷弼妻張氏年二十五廷弼遭李自成之亂死於賊  
有子纔七齡矢志撫孤苦節五十餘年

以上永寧州

生員李坤妻劉氏適坤半載坤死遂自縊

高聰妻杜氏正德末賊掠至境欲逼犯之杜罵不絕口  
被殺

劉瑋妻曹氏年十九夫歿甚貧苦節守貞以終萬歷初  
知縣公一揚額表其門

王崇德妻田氏年二十夫歿遺孤朝相纔一齡撫之長  
娶高氏未幾朝相又歿姑婦共績紡守節有司額表其  
門資米二石布四疋



生員劉有孚妻楊氏年二十夫歿無子而甚貧苦節守  
貞隆慶二年知縣李卿額表之

生員衛君寵妻劉氏少寡守貞教子直指旌其門

劉進良妻任氏夫歿子纔二齡甚貧苦節五十八年萬  
歷七年病卒壽八十有六有司表其門

武進珮妻白氏夫歿子纔二齡操作勸節知縣吳三聘  
上其事額表之

生員楊燦妻王氏年二十五夫歿守節撫孤萬歷二十  
六年三院表獎之

生員王幹妻靳氏幹疾篤靳割股冀愈之及卒姑武氏

患瘡，斫口吮之。守節盡孝，巡按額表其門。

生員王正妻楊氏，年二十七，流賊破城，殺正掠之，扶馬上楊從馬投地罵賊，以刃挾之。楊曰：「吾王尚書孫婦，死不受辱，賊斷其身爲二以死。」時同難見者婦人三四，亂定後，三四人尚存，鄉人詢之，歷歷能道其詳，言楊身傷七刃，有司額表之。

以上寧鄉縣。

右明百四十餘人

汾州府志卷之二十二

列女下

生員張君遴妻朱氏年二十四夫歿矢志撫孤康熙十  
六年旌

李之桂妻田氏年二十三夫歿孝養舅姑喪葬盡撫孤  
緒甫生撫訓爲知名士苦守三十餘年康熙四十七年  
旌

杜根芽妻李氏貧家婦也夏月採蕨有李大成者先在  
山招之曰是處可取也指引入深林欲犯以非禮李不  
受殺之棄溝中鄰人雷姓名打差兄見李入山久不

出跡求之。大成遇打差兒狀甚倉皇，打差兒歸語根芽，得李屍訟之官，治大成死罪。康熙四十九年旌。

雷龍騰妻齊氏，龍騰早歿，值收穫晨起，請場圃，趙之福欲犯以非禮，齊急持挺格鬪，之福擊以石，傷而仆地，奮力起之，福投石亂擊，罵不絕聲，以死事旋敗露，治之福死罪。康熙五十五年旌。

監生韓衍萃，母年十八夫歿，矢志撫孤。康熙六十一年，額旌其門。

侯孝女，字秀姑，侯明亮之女也。康熙六十一年饑，女母呂氏以食盡，將赴井，女號泣隨其後，挽救不及，亦投井。

死時年十四歲。縣人名其井爲孝女井。

監生張寅愷妻李氏年二十五夫歿時舅姑已先歿有祖姑年踰七十李曲盡孝事守志撫孤壽八十而終康熙中知縣平士楨額表之。

史廉妻崔氏廉客死宣府訃聞崔拮据爲歸其柩訃既至曰吾之事畢矣卽於是夕自經。

任顯烈妻姜氏年十八夫歿無子繼子克任撫之長克任中雍正己酉武舉。

常懋文妻王氏年十九夫歿守節撫孤有司額表之。

董科妻高氏年二十五方娠而夫歿子生撫之守志。

瓊之變避難肅靜村小竇溝中遊騎數輩踪跡得之高  
罵賊被殺雍正七年旌

王永興妻劉氏夫歿子纔二齡備極艱辛事孤撫幼雍  
正中知府白映棠額旌其門曰苦節可風壽八十一而  
終

生員田錫蘭妻劉氏事舅姑盡婦職姑病曰婦事我甚  
孝願婦他年娶媳亦如婦之賢及舅姑相繼歿夫感疾  
經歲旣而知病不可爲謂劉曰汝年少無以我故自苦  
劉愀然曰是何言也因拔筭折之曰倘有不諱所不與  
君同逝者有如此筭錫蘭默然一日告其父劉涵曰夫

病劇而無子，且有他命，計決一死以從。父急止之，慰以立嗣，稱未亡人，對曰：夫嘗語兒，杞梁妻夫亡，妻投淄水死，兒已心識之。立嗣之事，在父與田宗共圖之，不繫兒之存否也。月餘，夫歿，劉檢視衣衾畢，值舉家倉皇，扃戶自經死，年二十三。

王邦妻侯氏，年二十四，夫歿，子生纔一月，矢志守貞，孝事舅姑，姑歿，舅娶繼姑，事之如一。旣而舅姑相繼歿，所遺幼子俱在襁褓，侯紡織以供衣食，小叔與己子皆撫鞠成立。乾隆十二年旌。

君用妻于氏，年二十五，夫歿，子琛生纔一月，矢志

孤及琛長爲諸生雍正中知府劉登庸額表其門曰矢節垂慈

貢生呂文彬妻魏氏子審裕生未踰年夫隨兄文櫻在京邸旣而訃至魏恐舅姑之老而哀傷也曲盡婦職撫遺孤父魏好修以貢生援例授博士未之任卒子幼乃以弟與已子同延師訓教乾隆二十二年壽七十知府顧鴻額表之曰荻德松年至七十九而終進士賈天祿爲之作傳

王清應妻汪氏事繼姑盡婦職夫客死遺孤嘉祚尙幼之長爲諸生乾隆二十年知府顧鴻爲碑文表其墓



李承謨妻張氏年二十六夫歿一子三齡一子纔一齡家貧姑老上事下鞠績紡度日苦節四十餘年

王信妻朱氏夫歿無子以猶子王家輔爲夫後家貧紡績不輟苦節四十餘年

馬雲錦妻王氏夫歿遺孤三遷迨遂撫之長遷歲貢生遂拔貢壽至七十得題 旌

生員王邦謙妻田氏子生纔一月而夫歿事舅姑盡婦職撫孤守志三十餘年得題 旌

樊之璞妻任氏年二十三夫歿子七齡事姑撫幼以貞

稱得題 旌

馮開元妻姚氏夫歿始老奉事極孝守節撫孤壽至七十得題旌

李節森妻劉氏夫歿無子以猶子爲夫後矢志守貞得題旌

賈生珩之妻郝氏年二十四夫歿遺孤二鎮劔撫之長皆爲諸生得題旌

監生趙伸繼室李氏夫歿撫孤守節五十餘年得題旌

張世琅妻田氏夫歿遺孤二述宰述相撫之長皆爲諸生得題旌

元妻王氏夫歿撫孤又早歿繼孫撫鞠守節五十  
年得題 旌

黃生姜之棟妻郝氏年二十夫歿子思熹尚在襁褓撫  
之長爲諸生守節四十餘年得題 旌

賈三聘妻馮氏夫歿子烈生纔一月馮壽百有一歲烈  
之子連璋婦王氏孝事祖姑王亦壽八十七

趙登第妻李氏年二十六夫歿矢志撫孤家事一聽夫  
之兄弟掌理尋亦中落絕不以爲言守節三十餘年

呂心仁妻卞氏年二十夫歿子尙在襁褓矢志守貞撫  
之成立事祖姑孝及歿卞以哀毀致疾

監生任大任妻郝氏十八夫歿守志三十餘年

曹文奎妻王氏方娠而夫歿後三月子生撫之成立守節五十五年

郭得貴妻惠氏二十九歲夫歿遺三子俱幼家寒日夜織紡備極辛勤且通書義三子皆其課讀苦節三十七年

張萬清妻王氏年十九夫歿守志撫孤四十餘年

張大璵妻劉氏成婚禮之日值大璵患鉅瘡垂危入門卽侍湯藥未一月夫歿彌留之際執手謂之曰悞爾青年願早適人荅曰劉門無再醮婦何多慮爲旣而繼姑

之嫁其母繼母也亦欲奪其志不從含怒待之姑不  
與共食劉食人所不堪食事姑彌孝謹有祖姑年七十  
餘多病劉遂同房侍寢稍聞呻吟聲輒終夜不寐祖姑  
感其孝至諱言病久之家人內外咸以劉異尋常鄉里  
相與語及劉則稱之曰聖賢劉通經書繼子爲夫後自  
教之聖賢之目雖出鄉俗指稱因其貞孝不變言動謹  
敬且悅魯論孟子等書也

張瑾妻席氏夫歿撫孤士英針黹自給壽九十一歲孫  
熾登順天鄉榜

舉人呂審廉妻古氏審廉奔父難死京邸子心傳六齡

撫之長爲諸生孝事姑值繼姑病侍藥奉食三月日夜不離左右姑命之少息不少懈時訓其子曰汝父死孝只恐汝墜家聲也

卞時庸妻趙氏事繼姑以孝聞繼姑病癱症趙不離側十三年子懷詔安寧州知州

任正吉妻李氏年二十三夫沒子士燦生纔六月矢志撫孤節操已四十年

賈璞妻黃氏年十八方娠而夫外出子生纔數月夫客死矢志撫孤守節已三十五年

州同石全妻張氏年二十九夫歿家無留遺撫四齡之

孤王印節操已三十三年。

張璵妻王氏年二十三夫歿子纔四齡次子方娠以舅姑老曲盡孝敬勤織紡佐所不給撫二子成立節操已三十三年。

監生賈耀會妻任氏年二十三夫歿子纔五齡事祖姑繼姑盡婦職矢志守節已三十二年。

張瑀妻卞氏年十七方娠而夫歿及生撫鞠成立守節已三十一年。

監生何勤學妻劉氏夫早歿子膺昌嗣昌俱幼苦節撫孤於成立嗣昌爲諸生。

李琳妻李氏年二十夫客死子錫爵纔四齡錫祿一齡  
李拮据以夫之柩歸葬矢志撫孤先是舅歿繼姑欲攜  
女改適其女前姑之女也至是七齡李固留撫之長適  
士人

郝雲章妻王氏二十六歲夫歿矢志守節孝事翁姑撫  
一歲之孤守節已三十二年鄉里以賢孝聞

監生蘇紹武妻郝氏二十三歲夫歿子纔在襁褓間矢  
志守節事舅姑孝及歿喪葬盡禮

李發炳妻李氏二十九歲夫亡無子撫任生瑜為嗣時  
方襁褓苦志鞠養至於成立



趙鑣妻魏氏十九歲夫亡遺一子霞光苦志鞠育至於  
成立年四十歲而卒

趙鑣妻蔡氏年十八歸趙趙故貧家歸趙五年方娠而  
夫歿歿後三月生子成德時氏年二十二歲舅姑皆老  
病無依氏以鍼黹奉養成德稍長出就邑庠生楊灝受  
業脫簪珥以備修金師却不受念氏苦節教誨彌勤舅  
姑歿氏爲營葬茹荼嚼雪備極艱辛年踰三十髮鬢皆  
白卒年五十五歲守節三十三年里人以賢孝聞

進士程學孔之妻任氏年二十五歲夫歿事姑盡婦職  
矢志撫孤鄉人稱其節孝

呂諳妻朱氏王國藩妻高氏李廷樞妻張氏李洪妻趙氏任廷敬妻宋氏任捷妻常氏生員曹大受妻張氏王金鉞妻曹氏趙時茂妻甄氏張道遠妻賈氏呂文發妻武氏郭臨泰妻李氏王大元妻李氏張素抱妻裴氏王之瑞妻張氏曹坦妻盧氏張令聲妻趙氏張天錦妻李元完元統妻原氏田培蘭妻李氏任大堯妻田氏魏紹曾妻田氏馮光鼎之母韓氏王者運妻郝氏魏興華妻曹氏耿三成妻王氏張茂金之母張氏呂珍選妻陳氏王學進妻呂氏王悅之妻劉氏韓育英之母李氏劉之福妻趙氏宋坦妻田氏任貞吉妻李氏李加林之母梁

氏曹錫之妻魏氏劉而浩妻馬氏蔡克生妻劉氏靳世  
遠妻張氏監生田緯妻楊氏姜思蕙妻霍氏李宗虞妻  
任氏朱光榮妻文氏王三錫妻魏氏郝澤妻李氏張克  
寬妻劉氏李桐妻孫氏郭惟寬妻許氏並守志節以上  
汾陽縣

梁進傑妻楊氏年十九夫亡守節三十一年事姑盡孝  
撫子有成康熙四十年

張國儒妻梁氏順治六年家遭饑饉之亂爲盜所掠不屈死  
之

貢生李冠楠妻劉氏被賊執絕食死

楊正芳妻張氏順治六年夫死於兵張守志壽九十終  
米騰芳妻任氏順治六年騰芳死於兵任食貧守志垂  
六十餘年卒

劉裕正妻郝氏年十八夫歿子生纔一齡事舅姑撫幼  
子徒恃織紉度日苦節數十年鄉里稱其賢孝

梁檀妻雷氏年二十一夫歿無子父母欲奪其志雷曰  
禽獸之行誓不爲卒全其節年五十八終

雷騰雨妻郝氏年二十一夫歿守節其姑瞽無所見郝  
事之謹里中莫不稱賢

生員梁勉妻劉氏年二十夫歿子生纔五月貧苦守志

陰貴斗妻李氏年二十二夫歿撫孤守志事舅姑孝

耿崇宰妻李氏年二十二夫歿守志撫孤

李光俊妻梁氏年十九夫歿子生纔十月撫孤守志事舅姑鄉人咸稱其賢孝

王益興妻朱氏年二十三夫歿子纔三齡孝事舅姑撫孤守志

趙加印妻李氏年二十四夫歿紡織度日苦節撫孤

王尙威妻張氏年二十夫歿子纔三齡守節撫孤其子先卒復撫三孫壽九十七終

楊玉茂妻侯氏年二十三夫歿子纔二齡守志撫孤

薛友貴母賈氏年二十三夫歿紡織撫孤

王國重妻范氏年二十二夫歿守志

冀州偉妻梁氏年二十一夫歿守志

生員薛廷瑤妻劉氏年十九夫歿子生纔三月矢志撫孤

薛豫妻梁氏年二十二夫歿守志

侯新命妻張氏年二十一方娠而夫歿後三月子生苦節撫孤年八十餘終

生員高鼎甲妻孟氏夫早歿孝事舅姑撫幼子成立

孟千惠妻范氏年二十二夫歿無兒女矢志守節孝事

舅姑

武舉安爾甸繼室王氏年少而夫歿有庶子撫之成立爾甸前妻女久病卧牀第足不履地者已八年成廢疾王迎至家供飲食藥餌備至鄉里歎息以爲賢

田士英母毋氏苦節矢志孝事舅姑有司額其門曰節孝維風

劉良弼母郭氏年十九夫歿撫孤守志孝事舅姑

郭維斗妻侯氏早寡事姑孝謹守節五十六年壽八十三終子爾安武進士官守備誥封太恭人

劉氏小字梅兒劉汝德女姿容端麗夫無行投身爲奴

逼令偕往梅兒號泣累日語其母曰身爲奴婢易見汗辱雖死遲矣兒意已決次晨當行啟戶視之竟自縊  
監生梁法周妻宋氏年十九夫歿子生纔二齡撫之成立事姑以孝稱知縣雷暢上其事得 旌

雷通章妻武氏年十八夫歿子可望生纔兩月矢志撫鞠孝事舅姑可望長爲諸生有司上其事給匾 旌

侯岑妻馬氏夫得狂疾而歿子生未二齡上事下撫旣而舅歿姑病難奉養扶持不少怠知縣錢廷鏞上其事

給匾 旌

生員侯以乾妻劉氏夫歿家貧父母憐之欲令改適劉



曰姑老待養稚子待哺勿忍棄之遂截髮以明志知縣  
錢廷鏞上其事給匾旌

張秉恩妻李氏秉恩外出有任四小者居址相近潛入  
其室李驚喊四小懼而走李忿不欲生夫還告以故俟  
夫寢赴四小門前自刎死有司上其事得旌

郝烈女幼端莊不苟言笑事父母以孝聞年十七許字  
閻管成閻壻暴病歿請往弔父母初不欲旣而聽之往  
旣至願留奉舅姑不見許令之歸或勸以改聘女作色  
曰是豈可爲乎從容告父母曰兒死勿更沐浴易衣斂  
於舅子之手明日遂自縊及死香氣經宿不散面如生

遠邇傳異之。

郝呈璠妻馮氏年十九夫歿子生纔數月郝寧都妻侯氏夫歿子纔二齡劉肇創妻王氏年二十一夫歿子生纔七月劉光昌妻董氏年十九夫歿子在襁褓皆矢志守貞事舅姑撫稚子鄉黨重其節操

監生郝世杰妻雷氏弟世芳妻趙氏兄弟相繼歿妯娌守節各撫幼子孝事舅姑

鄧延楨妻張氏夫歿無子矢志守貞事舅姑三十餘年盡婦職知縣王如玖額表其門

任某妻侯氏叔及姊相繼歿遺孤琰纔三齡侯撫鞠之

既而夫歿無子。侯奉姑盡婦職。撫琰成立。苦節四十餘年。

冀先遴妻成氏。年二十一。夫歿。遺孤纔五齡。撫之長。娶婦而子媳。又相繼歿。有孫一。勤撫成立。

雷起潛妻師氏。夫歿。家素饒。而善用財。每歲冬。出米布木。緜給養濟院。以爲常。城西北隅舊有木橋。漸壞不可行。改甃以甃。城南薄姑村山水湍會。勢急。衆方欲爲橋。卽輸百餘金。成之。撫三子。及長。皆能孝事。知縣雷暢額旌之曰。母慈子孝。

王某妻李氏。

縣續志作監生王清林伯母。

年二十三。夫歿無子。繼幼。

子撫之爲夫後守節三十餘年。

冀光妻雷氏夫歿無子家甚貧紡績度日苦節五十餘年壽八十四終族鄰憐之爲合葬夫墓立碑以表其節  
貢生張振基妻王氏年二十一夫歿矢志撫孤而姑癱  
卧在牀左右扶持奉事惟謹

生員郭明詩妻胡氏夫歿撫子克峻及長娶婦李氏旣  
而克峻又歿姑媳共撫一孫苦節守貞知縣雷暢以一  
門雙節額表之

劉邦奇妻武氏年二十五夫歿子迪纔四齡家甚貧紡  
績事姑學使額表其門

節學使額表其門。  
節學使額表其門。

張大祿妻杜氏年二十一夫歿子秀翼纔二齡撫之長  
娶婦李氏秀翼又歿遺孤令嚴而李亦貞操自矢  
成立兩世苦節

郝林旺妻劉氏生子纔六月夫客死舅姑以貧故令之  
改適劉紡績撫孤孝事舅姑終天年積勤所蓄屬弟以  
夫之柩歸得並葬鄉人稱其節孝兩全

宋九圍妻雷氏事舅姑以孝稱生一子纔四齡而夫歿  
矢志撫孤知縣德額表其門

曹上達妻張氏年十九方娠而夫歿子生名天賜撫之長甘貧苦節

生員梁澤妻雷氏喬汝樟妻毛氏張順言妻侯氏李三元妻龔氏裴一榮妻閻氏劉祥妻池氏鞏自英妻趙氏  
趙太妻趙氏武生劉翼妻武氏侯秉才妻安氏  
妻李氏霍登縣妻張氏梁建鼎之母劉氏梁建鼎之母朱氏貢生田生穎之母閻氏呼國楹妻趙氏楊廷鑑妻陳氏曹福重妻安氏並守志節

以上平遙縣

劉讓繼妻張氏年十五適讓事姑以孝聞越五年而夫歿撫孤守志壽九十終子翊聖順治壬辰進士

監生郭天宜妻張氏年十九夫歿姑瞽子幼上事下撫  
矢志守貞康熙五十五年旌

侯懋功妻賈氏年十九夫客死雲中覩至卽飲毒姑救  
之賈曰吾志決矣不必生知縣某聞之躬祭其門額表  
之

左陞正妻孟氏年十五適陞正舅姑以家貧子生而不  
慧曰非匹偶也令新婦更適孟曰命也不可改節辱身  
十餘年夫歿婦忍饑寒孝事舅姑終天年遇忌日持壺  
漿拜奠墓前盡哀敬康熙中知縣金一鳳額獎其節孝  
喬千仞妻江氏夫歿旣而姑又歿舅病癱江躬滌穢惡

母董氏老疾無子，與舅養於母家。兩病人奉饋粥湯藥，勤孝事。父母卒，葬畢，復與舅歸。凡十有二年，舅卒，先是千仞從兄歿，遺孤方乳哺，江鞠養如己子，不令隨母他適。鄉黨多稱其賢孝。

孟光輝妻李氏，年十九夫歿，生子纔八月，事姑撫幼子，苦節守貞，壽八十有八。康熙二十二年，知縣金一鳳額表之。

董奕榮妻任氏，年十九夫歿，遺孤振基，方在襁褓，奕榮弟生員董奕茂妻，年二十二夫歿，遺孤振聲，亦幼，同守志事姑撫幼子，長皆爲諸生。



王志會妻李氏年二十二夫歿一子五齡一子二齡家甚貧紡織種植以養舅姑及二子後次子維基及孫二聘錫皆爲諸生。

張自昌妻南氏夫歿撫孤文湛長爲諸生壽踰九十乾隆元年旌。

生員穆大義妻楊氏夫歿撫鞠二子及長又相繼歿遺孫爾琿撫之成立爲貢生乾隆十九年旌。

宋璉妻溫氏年十八夫歿事姑盡婦職撫幼子成立乾隆二十二年旌。

監生郭恒燕妻張氏夫歿守節所居鄉被大水令其子

造木筏以濟鄰人日夕作餅餌相餉至水涸方止值歲饑令子姪捐銀六千鬻米散給乾隆二十二年 旌

監生茹連科妻梁氏年十七歸連科越九年有惡少竊得履以爲戲謔者梁聞痛憤自縊官治謔者罪乾隆二十三年 旌

梁來正妻王氏夫歿子浩生纔七月有以貧諷之嫁者梁自誓事舅姑以孝稱勤績紡以供甘旨而自食糠粃浩長爲諸生壽八十有八乾隆二十四年 旌

貢生梁質收妻王氏年二十六夫歿事姑盡婦職撫幼子成立乾隆二十五年 旌

楊桂宦妻馬氏年十八夫歿事舅姑撫稚子矢志苦節四十餘年。

董源涵繼妻王氏年二十夫歿有前妻子女苦節撫孤鄉里稱賢。

李蕃妻董氏夫歿守節四十三年學使及府縣官俱額旌之。

侯承恩繼妻羅氏年二十五夫歿遺孤三躬蒲穀羅所生子纔二齡撫三子如一躬蒲皆成立穀長爲諸生。

董殿卿妻羅氏夫歿二子俱幼上事下撫有賢稱。

郭如尊妻溫氏方娠而夫歿躬紡績撫鞠守節四十餘

年

羅銓妻溫氏年十九夫歿舅亦隨歿備歷艱辛撫二子成立有司額表其門

郭元瑜妻劉氏夫歿子生纔八月事舅姑以孝稱學使額表之

郭啟秀妻趙氏年十九夫歿事舅姑盡婦職撫稚子成立壽八十餘

侯文存妻郭氏年十六適文存文存不事生業郭苦勸冀其悔悟而曲盡孝敬以事姑恐姑或逆於心憎其子也嘗忍饑寒卒無怨色孝婦之名遂徧遠邇縣人立石

忠勞記其事

仲顏妻李氏適仲顏後舅病癱症姑亦病仲顏又卧病李竭力支持延醫療治既而先後俱歿連舉三喪守節終其身

舉人張正任妻郭氏在室時兄嫂相繼歿撫其子女及嫁後姑老多病呻吟牀箚者十餘年侍奉盡孝正任官定州同知妹適李姓病卒子幼郭攜至家撫育成立授之室始還遠邇咸稱賢及卒姪與甥爲之服如子女貢生張大震妻郝氏少值父喪哀毀自致鄉里咸稱爲孝女及嫁事舅姑如事父母通書史教子皆親自口授

後以母歿哀痛致疾卒。

強運昇妻張氏家貧夫病卧牀簣者七年及歿守節撫孤三十五年。

郝璵妻陶氏年二十二夫歿撫二稚子矢志守貞。

生員李來翔妻燕氏年二十二夫歿嫡庶兩姑俱老而病事之盡婦職守志以終。

董靖宸妻龐氏年二十二夫病篤子杜生纔六月指以謂龐曰以累女及歿矢志撫孤杜長爲諸生娶妻郭氏年十七而杜又歿婦姑守節。

董志道之妾李氏年二十五志道歿子纔五齡守志二

武生王憲妻孟氏年二十六夫歿撫孤及長授室又歿  
而無子乃擇於族中繼孫

汪得昇妻王氏年十七夫歿遺孤又歿守志彌堅

梁世俊妻郎氏年二十五夫歿一子纔三齡值流寇四  
起饑饉薦臻郎上奉孀姑下提稚子終克保全節操六  
十八年至九十三以壽終

強瑗妻賈氏年十八夫歿事舅姑孝繼夫之兄子纔曾  
爲子撫之長爲諸生

郝瑄妻張氏年二十七夫歿無子有勸之嫁者張以事

舅姑立後嗣爲誓守節四十七年而終。

劉義元妻任氏年二十四夫歿舅姑皆七旬兒在襁褓其母家有強之改適者乃截髮以死自誓終完志節。梁恒年妻宋氏年二十六夫歿二子皆幼舅以哭子喪明宋曲盡孝事目忽復明咸以爲節孝所致。

趙淑昌妻孟氏年二十五夫歿事舅姑盡婦職舅年至九十餘賴婦之孝養以安撫子鴻儒及長爲諸生。

董繩遵妻孟氏年二十四夫歿子纔三齡舅久客在外姑又病恃績紡奉養舅歸而手足不仁孟敬事不怠喪葬盡禮知縣宋允清額表之。



生員郭無伐妻王氏年二十四夫歿事姑撫幼子矢志守貞。

侯命職妻宋氏年十八夫歿撫孤成立孫爲諸生學使額表之。

王璜奇妻趙氏年二十八夫客死子幼趙拮据奔喪扶櫬歸葬府縣官俱嘉獎之。

文四維妻宋氏年十九夫歿矢志撫孤苦節以終。

田大預妻王氏年十八夫歿子生纔一齡貧苦無依矢志守貞事姑撫子鄉人咸稱其節孝。

張仲妻郭氏夫早歿無子姑王氏年二十八而寡兩

世孀居。婦姑互憫。以延祀計。繼姪孫爲嗣。親王氏則食  
祖母也。

貢生黃廷瑗妻胡氏。年二十二。夫歿。矢志守貞。撫孤煥  
采光。采成立。學使額表其門。

張學寬繼妻曹氏。年二十三。夫客死。前妻一子。撫之長。  
授室復歿。遺一孫。撫之成立。

梁埤妻劉氏。年二十二。夫歿。撫子長。授室而復歿。撫孫  
成立。以節終。

陶大強妻李氏。夫歿。撫孤凌霞。及長。以武科授守備。  
武晃參妻李氏。年十九。夫歿。守志撫孤。

武生羅呈祥妻郭氏年二十二夫歿子銘纔四齡撫之  
長官主簿

董啟才妻宋氏年二十二夫隨舅在外有繼室老  
子幼宋上事下鞠矢志守貞

生員郭素位妻孟氏年二十二夫歿守節五十二年學  
使蔣元益額表其門

賈鉉妻張氏年二十一夫歿矢志撫孤

任日嚴妻李氏年二十六夫歿二子俱幼善節撫孤

賈鍾玉妻鄭氏年二十六夫歿守節立孤有司額表之

趙廷翰繼妻燕氏年二十一夫客死有前妻一子矢志

撫孤燕旣老以紡織所積捐修石橋

趙秉智妻南氏年二十二夫歿子生纔三月舅姑俱老南盡心事鞠苦節自勵人以爲難

燕扶柱妻傅氏年十八夫歿子生纔數月矢志撫孤鄉人請於有司立石以誌其賢

白應照妻張氏年二十六夫歿守節撫孤壽踰八十

王振儒妻宋氏年二十夫歿子寵方在襁褓撫之成立寵亦以孝行稱

武裕國妻宋氏爲夫婦纔十日夫卽遠出莫知所之宋饑寒無依旣而望絕乃立繼爲嗣壽踰九十

其妻王氏年十八夫歿無子郭正秀妻郭氏年二十夫歿無子宋養品妻張氏年二十一夫歿無子皆矢志守貞立繼嗣爲夫後。

宋續湯繼妻李氏年十九夫歿有子二異母俱幼撫之如一。

郭天華妻陸氏年二十三夫歿閏二年子又殤姑老事之盡孝道鄉人敬其孝貞爲之立石。

任成龍妻郭氏年十九夫歿子又殤夫兄弟五人謀析產郭辭不受曰無子何用產爲依姑同卧起奉事惟謹學使額表之。

田多霑妻劉氏年十八夫歿無子矢志守貞事祖姑曲盡孝敬立繼嗣爲夫後苦節數十年

張奇珍妻李氏年二十三夫歿子纔三齡家貧織紡以度日有司額表其門

郭殿元妻鈕氏年二十五夫歿家貧恃刺黻度日撫鞠二子又俱早歿撫孫成立苦節數十年

胡聖諭妻吳氏年二十五方娠而夫歿家貧矢志守貞後三月子生苦節撫孤

生員張永祺妻郭氏年二十四夫歿無子立繼嗣爲夫後甫生一月卽抱養之底於成立

繼妻梁氏年十九夫歿有前妻之子二梁矢志撫  
孤成於成立

文宰妻張氏年二十三夫歿宰家世服賈欲以讀書自  
奮及卒遺孤映榮方幼稍長母以服賈勸者張曰此非  
其父志也織紡教之映榮亦力學爲諸生

張崇械妻范氏年十九夫歿絕食死

生員張國瑄妻趙氏年二十二夫歿子正笏纔五齡撫  
之長生二子大礪大礪妻孟氏年二十五而夫歿  
無子以大礪之子有光爲子有光夫婦相繼歿遺孤纔  
三齡孟又辛勤撫孫底於成立

張世繩妻孟氏年二十方娠而夫歿矢志守貞及子位生撫之成立官西城副指揮

趙觀妻宋氏年二十三夫歿子六齡撫之長爲諸生  
許秉麗妻曹氏夫歿遺孤封文撫之長娶婦左氏封文  
又及左年二十四婦姑相依共勵貞操鄉人稱其雙節  
王養心妻梁氏年二十七夫歿無子立繼嗣撫之

王立朋妻李氏年二十四夫歿家貧遺孤纔五齡姑又瞽目李傭作度日食稍善不敢自食輒懷以奉姑病侍湯藥晝夜扶持姑泣謂李曰吾累孝婦多矣苦節數十年鄉人稱其孝貞兩全



蔡銓妻李氏夫歿子如峙生纔一齡苦節撫孤如峙長  
為諸生。

黃琬妻李氏夫客死子纔一齡家貧撫孤旦夕勤刺滷  
不少懈恃以自給復減損務有所積如是者有年乃得  
以夫之柩歸葬鄉人莫不嗟歎其志。

梁質毅妻王氏年二十四夫歿尋姑盡婦職撫幼子節  
操三十餘年。

郭元簡妻任氏年二十六夫歿子立繼嗣撫之勤紡  
織以養姑舉人張正任為撰碑誌。

劉宗禮妻李氏年二十三夫歿苦節已四十七年。

生員李昌年繼妻任氏夫歿遺孤二漪游異母撫之如  
一游生纔三月姑老任事姑盡婦職子皆底於成立  
郭秉儀妻文氏年十九夫歿子纔一齡親黨欲奪其志  
則指遺孤自誓孝事舅姑其子長亦知順親

廉如棟妻王氏年十九夫歿矢志守貞縣令巫慧額表  
之

曹秀才妻岳氏夫歿無子近宗無可繼家貧刺繡爲生  
鄉黨憐其苦節請於知縣黃有恒額表之

喬涵銳妻武氏年二十二夫歿段生成妻張氏年十九  
夫歿任國玉妻焦氏年二十四夫歿皆矢志撫孤

監生梁質璵之妾張氏璵歿時家資已無復留遺張苦節積勤勞致老年多病一子履撫之底於成立

監生趙世臣妻楊氏年十九夫歿事舅姑盡婦職子復早夭苦節自勵

田金蘭妻郭氏年十八方娠而夫歿守節四十餘年董行妻張氏年二十夫歿無子姑憐其少諷之改適張截髮自矢事姑盡婦道鄉人誦其孝貞

王鴻俊妻劉氏年二十一夫歿子四齡而殤矢志守貞及老繼孫承嗣

羅緝光妻郭氏年二十三夫歿無子家貧苦節自勵

劉振基妻王氏年十九夫歿守節撫孤子思恭後官遊擊受誥封。

侯起昌妻燕氏年十九夫歿繼子琮撫之長課子誦讀而自執機織每丙夜機聲書聲相聞琮尋爲諸生。

燕榮妻張氏方聘時榮卽得狂疾及嫁病益迷謬未嘗同寢處以至於歿張勤織紡以自給親黨罕覩其面。

喬士彬妻李氏年十九夫歿矢志撫孤。

生員郝恒烈妻董氏年二十四夫歿苦節撫孤自襁褓以底於成立。

郭泳易妻燕氏年二十夫歿子生纔八月閱四載子又

殤立繼嗣矢志守節

監生降與瑄妻李氏年二十七夫歿不逮事舅姑奉祖姑以孝四子長仙爲諸生次仲乾隆癸酉舉人知齊河縣有善政李以子仲受 誥封。

生員劉洪訓妻張氏年二十八夫歿遺孤光楷撫之長乾隆丁卯舉於鄉

劉玉妻董氏年二十一夫歿甚貧矢志撫孤有司額表其門。

高顯榮妻任氏年十九方娠而夫歿矢志守貞子生撫鞠成於成立。

王履泰妻余氏年十八夫歿子生纔五月家甚貧矢志撫孤。

董登高妻宋氏年二十四夫歿守節撫孤。

監生張敬元妻趙氏年二十七夫歿子伸酉纔二齡苦節撫孤及長爲諸生學使額表其門。

程會魁妻王氏年二十五夫歿姑卧病不能動履左右奉事者十有四年鄉人咸稱其孝貞。

張大佩妻任氏未嫁夫客蜀以舅卒姑迎之至旣而聞大佩客死矢志守貞。

趙恭妻溫氏年二十四夫歿家貧事姑撫子苦節自勵。

董符妻李氏年十八夫歿遺前妻一子方七齡  
之成立

董符妻段氏年十八夫歿子生纔十月未幾姑又歿  
遺一子四齡段紡織以給養俱底於成立

董符妻張氏年十六嫁甫三月夫歿有諷之他適者張  
截髮以見已志數十年不除服

董印聰妻郭氏年二十五夫歿無子以貞節自勵

宋玉英妻喬氏年二十三夫歿苦節撫孤

生員馮拙儒妻李氏年二十三夫歿子生纔數月矢志

董滉妻溫氏年二十五夫歿無子守節事姑。

范清瀚妻溫氏年二十二夫歿遺孤妾所生子也其生母亦卒溫撫孤勵節鄉里稱其貞操。

范國海妻宋氏年二十五夫歿子纔五齡撫之底於成立。

范楷妻黃氏年二十五夫歿舅姑老子又多病黃曲盡事鞠。

任士魁妻劉氏年二十二夫歿矢志撫孤舅亦旋逝事姑以孝稱。

榮釗妻梁氏年十八夫歿無子矢志守貞立繼嗣撫之。



翁瑞龍妻任氏年二十五夫歿苦節撫孤

翁瑞城妻張氏年二十六夫歿子鑑撫之長爲諸生娶婦喬氏鑑又歿遺子二婦亦撫孤守節

趙祚產妻曹氏年二十夫歿事姑撫子矢志守貞

宋居榮妻董氏年二十四夫歿撫孤成立次子敷星又早歿妻郭氏亦勵節操

任漢璽妻龐氏年二十二夫歿立繼嗣撫鞠夫之從母中年而寡貧無所依迎與共處事之如事姑鄉人勒石記其賢貞請於學使額表之

曹延廣妻任氏年十八夫歿無子延廣本有兄以居僻

出承伯父嗣。及是有勸任改適者。任曰。舅姑以無子故而立繼。今子亡。婦嫁。何以能堪。况一女人。不二所天。後數年。延廣兄復歿。本生父亦無嗣。任周旋兩舅姑間。以賢孝並倚賴之。兩舅姑俱以壽終。喪葬盡禮。守節已四十餘年。

汪義榮妻王氏。義榮病廢。不能動履。姑老且病。無尺寸可依。行匄於近鄉。得食必潔以承之。而急歸。進之於姑。及義榮未進。不敢食。或不足。則自忍饑。然雖匄者。行田間。遺秉滯穗。不見其主。不取。或以行匄故。輕焉。微涉及謔語。輒怒。人亦憚其嚴。不敢犯。鄉人久而覺。相與謂有

孝且賢共殊待之如是者日以久知縣王謀文聞  
以爲句者能如是尤不可莫爲表異捐俸予白金  
兩月給米三斗近鄉更相濟助又得白金六十爲之  
從子母利自是遂免行句也

王立標妻王氏夫歿舅姑老多病矢志孝養撫幼子底  
於成立

宋釗繼妻劉氏年十八夫歿惟前妻之子一矢志撫孤  
未幾舅姑相繼歿貧不能斂得親鄰周助畢喪葬勤紡  
織以度日

胡穎妻任氏年十七子生纔一月夫客死舅姑俱老上

事下鞠矢志守貞

降逢春妻文氏夫歿子霖生纔九月守節撫孤後霖以材勇爲外委千總

巡檢常三元妻張氏年十九夫歿守節已四十餘年

燕廷璋妻韓氏年二十二值歲饑甘凍餒苦節撫孤有節表之

歸寅洲妻孟氏歸寅洲五載而寅洲賈天津越八載不歸遂客死孟年二十九撫遺孤志勤長授室志勤又歿更撫孫節操數十年

張繼印妻王氏夫客死遺孤纔三齡事姑盡婦職

四代單傳別無強近之親俟孤長然後繼印之柩得  
王寧泰妻穆氏年二十二夫歿子生纔六月矢志守貞  
越六載舅與繼姑先後卒有幼子俱賴穆鞠之長家貧  
穆勤勞二十餘年竟以過瘁得病卒

典史梁增妻楊氏適增數載未有子增赴雲南會澤縣  
在任娶昆明縣朱氏亦以妻娶之生一子一女未幾增  
卒於官地遠隔音問懸絕朱之戚屬有勸於本籍改適  
者矢志不從竭資斧扶櫬携幼孤間關險阻而增之柩  
得返故里朱始與楊相見相憐泣共室撫孤楊年三十

卷之十有五 鄉黨兩稱其賢

溫正詩妻郭氏方娠而夫歿及生撫孤守節已三十八年。

武鏞妻侯氏年二十七夫歿子清禮方在襁褓家貧且遭逼不得已依其父母復有以改嫁強之者遂乘夜投井適井枯積草藉於下得不死於是咸知其志不可奪紡績自給撫清禮長爲諸生。

茹英芳妻任氏張士芳妻岳氏張謙妻董氏雷澤溥妻黃氏張憬妻宋氏劉在式妻郝氏梁質曙妻田氏郝玉琮妻楊氏內閣中書妻郝氏生員降甘霖妻岳氏張國泰妻王氏及子正仲妻郭氏喬作珩妻王氏梁鴻熙妻

武舉任士淇妻李氏張彥義妻趙氏郝正容妻

馮大有妻賈氏李才棟妻段氏趙錫黻妻冀氏羅汝

倫妻茹氏貢生劉典文妻任氏文青蓮妻梁氏任元卿

妻段氏張彥義妻趙氏董靖左妻王氏進士馬爾燦妻

李氏監生高昇妻劉氏監生王楷妻石氏監生燕賓妻

賈氏縣丞梁日暎妻王氏貢生梁日曜妻侯氏曹德清

妻黃氏田大發妻李氏靳之璣妻宋氏郭振妻梁氏周

德配妻王氏郭建皇妻劉氏王珮妻宋氏郭元佐妻趙

氏王允持妻閻氏拔貢馬淇煥妻郝氏侯正遠妻李氏

侯晏妻宋氏師有義妻王氏監生郭楓妻王氏監生郭

應熙妻張氏並守志節

以上介休縣

蘇春達妻郭氏年二十三夫歿事姑孝撫幼子士廉長為諸生糧道宋公權知縣高茂枋並額表其門

李守忠妻梁氏守忠以屋傾壓死梁哀夫之死非命號泣三晝夜自縊死有司為之立碑

武開國妻霍氏夫早歿撫幼子守志姑性嚴刻事之曲盡孝敬

楊耀卿妻程氏年二十夫歿苦節撫孤事舅姑緝紡刺黼以佐供饌壽七十七終

生員梁可傳妻雷氏年十六夫歿子眉生纔數月苦節



撫孤及長爲諸生眉亦以孝稱

尙聖任妻張氏年十九夫歿有子國典生未兩月守志撫孤長爲諸生娶周氏未幾國典又歿婦年二十絕食已三日姑以義諭之乃復食撫二子長錦亦爲諸生康熙中知縣閔衍額其門曰姑媳冰操

張調妻劉氏年十九夫歿撫幼子苦節守貞事姑盡孝康熙中知縣魯一元額表其門

生員田公元妻任氏年二十四夫歿守志孝事舅姑撫幼子需長爲諸生孫建疆雍正丙午舉人而任壽八十八終知縣閔衍張瑋並額表之

馬天林妻張氏年二十一夫歿極貧子纔三齡苦節撫孤常凍餓安之爲固然鄉人稱之

候銓知縣郭朝賓繼室王氏朝賓卒守節事姑會姑病割股以愈之雍正二年旌

郭朝相妻喻氏年二十四夫歿苦節撫孤雍正二年旌

生員王希華妻蘇氏年十九夫歿守節撫孤有欲奪其志者蘇剪髮毀容事繼姑以孝稱知縣張瑋表其門曰松筠勁節乾隆二年旌

張若鳳妻章氏年二十二夫歿矢志守貞乾隆三年

大欽妻張氏年二十夫歿子纔一齡矢志守貞仰事  
姑始俯育孤孩辛苦歷數十年

李燦妻宋氏年二十四夫歿子纔三齡矢志守貞姑  
多病事之曲至撫幼子成立節操五十餘載乾隆十六  
年旌

王應妻蔚氏年二十八夫歿二子俱幼晝夜紡織度日  
苦節撫孤壽九十有三

白應科妻張氏夫歿二子俱幼家貧無依苦節撫孤  
諸有祿妻任氏年二十三夫歿藉織紡以給朝夕撫孤

成立知縣李方沁額表其門曰松節可風

史燧妻張氏年十九方娠而夫歿矢志守貞子生苦節撫鞠

韓秉恭妻梁氏年二十二夫歿撫遺孤永祚及長娶婦任氏未踰二載任方娠而永祚又歿時年十九矢志守貞及子生上事下鞠備極貧苦乾隆二十六年 旌建坊曰一門雙節

任章妻張氏年二十九夫歿姑病七載遺孤養才纔三齡無大功之親矢志守貞上事下鞠教子讀書爲諸生乾隆十九年學使蔣元益額表其門曰貞松慈竹

韓卿妻武氏年二十七夫歿苦節撫孤

李還妻史氏年二十五夫外出不返姑老子幼家無甌石仰事俯育藉紡織以給朝夕今壽已八十

王守彝妻呂氏年二十五夫歿矢志守貞事舅姑盡婦職三子俱幼教育成立乾隆元年知縣李上選額表其門曰冰雪清操

李企泰繼妻史氏年二十夫歿舅姑亦相繼歿矢志撫孤壽七十里人議請旌史謂其子曰我辛勤荼苦爲汝輩成立耳非以爲名竟不許

田公溫妻任氏年二十四夫歿子纔五齡或以貧苦勸

之再適者指遺孤曰田氏四世孤丁今止此一脈相延  
忍棄而去乎節操自勵撫之成立

郭有義妻王氏年二十六夫歿子琰纔三齡家有薄產  
藉夫弟有禮經理越數年有禮夫妻相繼歿遺孤撫之  
如子

王志直妻張氏年十七歸志直未及一月志直外出不  
歸家貧舅姑更無他托惟恃張織紡供朝夕越數年夫  
客死矢志苦節舅姑竟藉之以終餘年及歿力辦喪葬  
梁錫玠妻郭氏年二十四夫歿子生纔數月苦節撫鞠  
孝奉舅姑舅姑歿竭蹶以供喪葬

步明心妻張氏姑足疾艱動履扶持侍養四十餘年無  
恙翁夫弟妻任氏幼病瘋症手足不能屈伸張爲沃面  
櫛髮澣衣滌器或以待妯娌如此可謂太過張曰彼甚  
苦何忍坐視鄉里咸稱其賢

白玉祥妻楊氏年二十三夫歿子纔三齡矢志守貞孝  
養舅姑歷四十餘年知縣王椿表其門曰節孝雙全  
程現德妻任氏年十九夫歿子纔四齡任矢志撫孤以  
績紡度日

監生田祖儒之妾張氏年二十三繼儒歿矢志守貞性  
淑慎佐嫡事舅姑盡孝敬有二子未壯而歿撫孫成立

李廷標妻楊氏夫歿苦節自勵孝養舅姑訓子成立知縣表其門曰荻影霜清

田成仁妻賀氏年十九方娠而夫歿矢志守貞事姑徐氏盡婦道撫鞠稚子底於成立鄉鄰咸稱其節孝

王榮貴妻殷氏年二十四夫歿姑蔣氏節婦也以自歷艱苦知其難諭聽改適殷號慟不願事姑盡孝敬

李國珩妻郭氏年二十五夫歿子纔五齡守節撫孤底於成立

李俊之妻劉氏年二十夫歿子纔三齡家甚貧舅姑勸其改適不從日夜勤紡織撫孤成立



妻程氏年二十七夫歿無子衣食無以自給紡  
度日苦節堪憫

在五常妻史氏年十九夫歿子生纔數月矢志撫鞠孝  
養舅姑居貧苦節

任世傑妻趙氏年二十二夫歿貧至朝不謀夕惟勤於  
紡織上事舅姑下撫幼子苦節數十年

那安邦妻郭氏年二十一夫歿遺一子復殤立繼嗣撫  
之成立事舅姑盡婦職有司額表其門曰直節孤操

田承增妻李氏年二十四方娠而夫歿舅姑老家貧紡

績以給

李旭之妻武氏夫歿無子有老姑苦節奉事立繼嗣爲夫後

田承瑄妻張氏夫歿舅姑老且病遺孤纔一齡晝夜紡績上事下鞠苦節已三十餘年

李廷選妻張氏夫歿子纔數月祖姑王氏年老齒落賴乳存活夫弟宏儒宏士俱幼張經紀家事守節已三十餘年

李士宏妻樂氏年十九夫歿矢志守貞已三十餘年  
郝汝珍妻任氏年二十四夫歿有子二長五齡次二齡撫之成立姑老得瘋疾事養曲至鄉里稱其賢節

郭萊妻趙氏年二十五夫歿守節知縣李炳額表其門  
曰節義雙高

王祚妻李氏夫歿守節奉姑姑武氏體殘廢右臂右股  
俱不能伸縮李扶持奉事歷十餘年

生員張講妻秦氏廩生李榮春妻任氏  
生員梁鳴鶴妻雷氏生員程履亨妻田氏  
氏范得喜妻蔚氏宋三富妻任氏李進業妻韓氏陳余  
屏妻梁氏李永良妻張氏並守志節

以上孝  
義略

李萬年妻張氏年二十二夫歿孝事舅姑子思豫纔五  
歲撫之長爲諸生學使額旌之曰操勵冰霜壽八十一

終

李登第妻薛氏夫客豫章絕音問薛青年無子紡績奉養舅姑及相繼卒親負土成墳遠邇稱孝而登第卒不返康熙中知縣莫友仁額表之曰節孝兩全

高雲路妻成氏夫天宦成與夫相敬如賓舅中風不能動履事之極孝謹鄉里稱賢婦必曰高氏婦

郝昌祚妻蘇氏年二十三夫歿矢志守貞事舅姑以孝稱康熙中莫友仁額表其門

邑傳城妻薛氏年二十一夫歿守志撫孤康熙中知縣

人仁額表之

白編妻張氏年二十一夫歿子纔三齡明之季兵荒張備極艱厄壽八十終康熙中知縣莫友仁額表之

王自明妻田氏年十八夫歿苦節守貞壽七十終

劉增榮妻郭氏年二十一夫歿撫孤二人矢志

生員郭衛京妻高氏年二十五夫歿子會岷纔三齡

績紡撫孤會岷長爲諸生有聲譽

賀美錦母王氏年十八夫歿苦節撫孤

李思謙妻曹氏事舅姑以孝聞鄉里莫不稱之

生員趙本妻白氏夫歿誓不獨生乘間自縊死

張某妻李氏年二十三夫歿撫孤及長娶婦曹氏又早

寡有子琳撫之長爲諸生。

生員李琮妻賀氏夫歿無子有三女長適王鉞三適王錫履皆夫歿守節。

趙嶠妻曹氏嶠生而天宦兼得疲癯之疾曹扶持侍奉曲至及夫歿矢志苦節恃刺齒度日。

王爾姓妻薛氏年二十四夫歿無子女薛遂絕粒死。

生員劉祚繁妻張氏平遙縣女也夫設教於介休縣歿時張年二十五扶柩歸臨縣治殯葬一貧如洗苦節撫孤至日不再食子長爲諸生知縣陳正勳上其事得額旌。

生員賀震泰妻劉氏年二十四夫歿無子繼子馥薰撫  
之長爲諸生苦節三十餘年有司上其事得額旌

張瑄妻白氏年二十二夫歿子幼矢志守貞家甚貧掃  
落葉以爲炊績紡撫孤壽七十八終

郝琳妻劉氏年二十二夫歿事姑盡婦職子維新纔四  
齡撫之長爲諸生而維新又歿復撫稚孫守節五十三  
年乾隆三十二年旌

白章先妻崔氏年二十二夫歿矢志守貞壽六十八終  
趙崇妻曹氏歸崇三載崇得癘疾扶持維謹及崇歿曹  
年二十六或以無子勸令改適峻色拒之壽七十二終

杜有寧妻馬氏年二十六夫歿家貧矢志撫孤子節已五十年。

張如林妻劉氏年二十夫歿無子父母勸其改適矢志不從苦節已四十九年。

生員趙夢麟妻高氏年十八適夢麟閱四載夫歿子受安生纔六月貧無恃賴依母家以紡績爲生矢志撫孤受安長爲諸生苦節已四十六年。

白恒德妻李氏年二十四夫歿遺孤殿魁纔二齡苦節事撫姑八十以壽終殿魁亦爲諸生。

馬洪祿妻高氏年二十二方娠而夫歿及子克柔長娶



婦張氏生兩孫子與婦又相繼歿兩孫俱幼復撫之成立

白學灝妻趙氏年二十一夫歿撫遺孤至十二歲又歿守節已四十四年

李有莪妻趙氏年十九夫歿家貧以刺帶度日遺孤纔三齡撫之長守節已三十四年

高之翰妻武氏劉見龍妻李氏生員侯象震妻穆氏生員白晉侃妻趙氏康塢寬妻劉氏問某妻高氏高自茂妻苗氏張五美妻郭氏張人龍妻郭氏李喬生妻高氏趙靜妻白氏監生趙驥妻張氏生員宋勳妻李氏並守

志節

以上臨縣

生員王維翰妻鄭氏夫早歿撫幼子稍長又歿守節數十年有司額表之

鄭紹治妻張氏年二十一夫歿子纔五齡家貧朝夕餽粥不繼矢志撫孤底於成立苦節已四十餘年

鄭繼烈妻李氏年二十二夫歿無子矢志守貞事姑盡婦禮繼子有託勤織紡以撫鞠之壽七十而終有託爲諸生

高世法妻鄭氏年二十一夫歿子纔三齡藉織紡爲生

自勵壽七十九終

解俊德妻田氏年二十夫歿子生纔數月矢志撫孤若  
節四十九年

武舉任之爽妻溫氏夫歿撫孤守節五十年知府孫阜  
額表之

賀登妻白氏年二十四夫歿子纔五齡事姑撫子守節  
五十九年以上石樓縣

生員張素妻邢氏素死甲申之亂守節撫孤次子曙副  
貢三子景歲貢邢壽八十五終康熙二十三年旌

生員王國隆妻高氏夫歿子纔五齡矢志守貞壽六十

旌  
康熙四十四年旌

白琦妻蕭氏營其石二逼污之不從裂其裳被重創尋自縊事聞康熙四十八年旌

侯化泣妻馬氏年二十八子世勳纔五齡夫臨歿時指竈前炭曰此炭足爲三年用炭盡若改適可也馬矢志守節越數年親戚見其炭置不用怪而問之曰吾夫有遺言指此炭矣勤女工撫子成立越四十年壽終炭猶如故孫賜履歲貢生而侯化潛妻吳氏以事姑孝見稱閭里夫歿績紡撫孤

崔克儉妻董氏年二十四夫歿事舅姑盡婦職子幼撫之長爲諸生壽八十二終

生員胡惟煦妻白氏年十九夫歿子生纔一齡守志撫孤壽九十二終。

車某妻吳氏年十七夫歿子生纔三月矢志撫孤歷六十五年康熙中知州吳徵額表之。

生員王仕皓士俊之母高氏進士高志女也夫被賊陷害高懼凌辱自縊死。

張徹妻馮氏年二十夫歿舅姑老二子夢采夢熊俱幼矢志守貞上事下撫後夢采爲諸生有聲譽夢熊康熙癸酉進士。

生員張鶴翔妻劉氏年二十四夫歿事舅姑稱孝撫幼。

子豫長爲諸生節操數十年壽七十終

生員王忬超妻于氏夫歿子昇日纔二齡矢志撫孤昇日長爲諸生王之瑛妻劉氏夫歿子方在襁褓守節五十四年皆乾隆二年旌

監生崔漸超妻于氏年二十六夫歿子方在襁褓事舅姑撫幼子守節四十五年乾隆二年旌

于廷弼妻張氏夫歿子纔二齡矢志撫孤事舅姑盡婦職

張甲秀妻曹氏夫歿守節壽七十終子貞元貢生

杜含瑞妻白氏夫歿織紡撫孤壽六十三終子九卿諸

生

高錦妻崔氏事舅姑以孝聞夫歿勵節操撫子其勲長  
爲諸生崔壽六十有五終

生員劉廷幹妻薛氏事繼姑盡婦道繼姑遇之虐薛  
順惟謹後值繼姑病薛侍奉曲至繼姑亦感悟鄉人莫  
不稱其孝廷幹家貧薛敬戒無違子五人並爲諸生

何振祖妻張氏夫歿遺孤二其慧爾慧家貧事姑孝撫  
子成立其慧以拔貢知縣爾慧歲貢生節操四十  
餘年給匾旌表

張希顥妻馬氏年二十七歿苦節四十九年終

王好謙妻張氏夫早歿撫孤璠長爲諸生節操四十餘年。

生員吳祚妻李氏夫歿事舅姑盡婦職撫子成立節操四十餘年。

生員任浙妻張氏歸浙未踰年浙以貧外出在閩八年張勤女工度日及浙歸一年病歿有富室知其賢欲娶之或勸曰爾無子將何守張曰我守我耳苦節壽六十九終。

王自柄妻王氏夫歿甚貧撫幼子苦節四十餘年。  
喬軌妻張氏夫早歿守志撫孤節操四十餘年。



張王聘妻賀氏夫歿子纔三齡矢志撫孤舅姑老奉事盡孝道節操三十餘年

吳現妻楊氏夫歿子方在襁褓甚貧有欲奪其志者楊以死自誓苦節三十三年

劉永超妻任氏夫歿廢櫛沐或三四日乃一食家之人疑其病也任少讀詩經論語孟子等書寡言笑偶有所言類舉古忠孝節烈事節操十八年及病垂歿舉孟子之言以語二子曰事孰爲大事親爲大守孰爲大守身爲大汝能守身然後爲孝餘無所言而終

黨守榮妻楊氏夫歿子纔一齡矢志撫孤苦節三十二

年

監生郝永昭妻曹氏夫歿子昌文纔三齡矢志撫孤昌文長爲諸生守節五十八年壽八十有六

白海妻張氏年二十四夫歿二子辛才纔三齡世卿二齡守節撫孤四十餘年辛才及孫映楨後先爲諸生

白映皎妻田氏年十九夫歿子永先生纔數月矢志守貞事姑撫子節操三十五年其家七世同居亦義門也任桐妻高氏年十九夫歿子纔一齡矢志守貞孝事舅姑撫幼子苦節三十餘年

張起妻郭氏年二十三夫歿子纔三齡或強之改適郭

矢死守貞勤女工以撫幼子壽七十終。

生員張世琴妻張氏年二十一夫歿事姑撫子矢志守貞壽七十終。

賀玉新妻吳氏夫歿家貧二子俱幼矢志撫孤勤女工以供旦夕壽七十二終。

李呈泰妻梁氏夫歿節操四十餘年子天祿拔貢生

李淙妻邢氏事舅姑以孝稱年三十夫歿矢志撫孤壽六十一終。

王者興妻梁氏年二十四夫歿事舅姑撫幼子苦節四十五年終。

韓成才妻楊氏年二十五夫歿子纔一齡舅姑令其改適楊以死自誓苦節撫孤壽七十終。

生員郝珏妻胡氏年二十六夫歿子纔一齡舅姑老且久病胡孝事曲至節操四十五年。

吳昌妻張氏年三十三夫歿守貞壽七十有七終。

貢生梁拱乙妻張氏年二十八夫歿舅姑老甘貧守貞盡婦職以奉侍今年踰八十次子崇讓歲貢生。

王恂趙妻任氏年二十二夫歿子纔一齡甘貧撫孤苦節已五十餘年。

賀珽妻張氏年二十一夫歿無子有逼之改適者張曰

可斷夫之嗣不可絕擇於族中昭穆相當者爲夫  
節操已四十六年

王際熙妻胡氏夫早歿子纔一齡旣而夫之兄亦歿妻  
嫁所遺子幼欲挈之往胡初哭勸其撫孤不可乃奪而  
留之撫如己子節操已四十餘年

吳宗堯妻張氏年二十五夫歿無子矢志守貞苦節已  
四十餘年

王勣女武生任梧之妻旣嫁而梧得瘋疾棄之居他所  
凡二十餘年女事舅姑盡孝道梧別娶者再不以已見  
棄爾含怨浣濯補綴悉躬親之里黨咸稱其孝且賢

李廷樾妻劉氏年二十二夫歿子纔一齡矢志守貞  
舅姑以孝聞子長授室又歿苦節已四十四年

生員胡廷柱之側室劉氏年二十廷柱歿子炳纔一齡  
矢志撫孤炳長爲諸生節操已四十三年

許永耀妻劉氏夫歿撫孤二人次子廷榕長爲諸生節  
操已三十七年

張仁妻任氏年二十八夫歿事姑撫子節操已三十四  
年

吳昇妻郭氏年二十七夫歿無子舅姑令其改適郭曰  
去誰代子事親者乃擇繼爲夫後上事下撫苦節已

三十餘年。

劉榮妻吳氏年三十夫歿二子俱幼矢志撫孤次子基  
昌長爲諸生節操已三十一年。

生員賀鳳至妻子氏夫歿子騰蛟纔一齡矢志撫孤騰  
蛟長爲諸生苦節已三十一年。

郝汝迪妻張氏年十九夫歿而夫歿矢志守貞子生撫  
之成立節操已三十一年。

貢生王洽妻梁氏同知 紹素妻于氏巡撫于準妾李  
氏貢生薛元佐妻梁氏生員張錫聰妻車氏並守志節

以上永  
寧州

生員王球妻賀氏球重行誼爲里黨所推賀貞靜事舅姑孝姑嘗虐遇之賀彌謹姜瓌之亂球語賀曰倘遇變則若何賀曰萬一事出不料死是極容易事及球被賊殺賀從容出門不數步爲懸崖牽裾蒙頭投崖死

靳可榮妻郝氏可榮文水人三世居寧鄉業農己丑秋賊掠郝扶馬上郝呼號我莊家婦我不隨賊折身墮地賊拉於馬被髮投馬下賊怒以刃挾之郝曰寧死誓不去賊殺之

王珽妻劉氏年二十四夫歿子纔一齡矢志守貞甲申己丑兩遭兵亂撫孤成立壽七十二終



生員王同春妻高氏年二十三夫歿子振先纔七齡矢志撫孤勤織紡以供旦夕振先長爲諸生苦節數十年壽八十終

生員王傳舟妻杜氏年二十四夫歿矢志撫孤康熙中知縣朱暹額表之知縣龔應霖月給米二斗苦節五十年而卒

趙靖妻馮氏有族屬馮免糧者偶於路遇見地名天紅崖深林蒼翳免糧遂欲犯之馮性激烈相搏臨險不顧俱墜崖底馮負傷垂繫免糧復以帶勒死之雍正元年

旌

郭興仁妻王氏勵志守貞雍正二年學使額表其門  
生員王仁妻郭氏夫早歿撫幼子事舅姑矢志守貞雍  
正四年旌

廩生李廷翼繼室劉氏年二十三夫歿子冕纔六齡廷  
翼前妻曹氏之子昱事繼母撫稚弟以孝友稱門庭肅  
然雍正七年知縣邵之楷上劉節操得旌昱歲貢生  
冕以拔貢生官孟縣教諭

高烈女高催次女也年十四字郭以屏以屏父舉人郭  
遴熙女姨父也女自幼聰慧莊重七八歲頗知書十歲  
時母病侍寢膳不離左右纏綿四載日夜省視無倦容

有孝女之稱。雍正元年，將以四月成婚禮。前一月，以  
病歿。聞訃，淚下不語。母勸慰之。次日，請於母曰：「郭姓  
十年姨表，四載翁姑。母有新娶嫂，奉侍兒，往守死終身。  
母勸止之。女數請不得，乃謂嫂曰：「生不往，死埋郭郎墳。  
父母懼，商之郭。郭曰：「義則高矣。女方笄，日正長。先是女  
從祖母衛氏之女，亦少殉夫者。女素敬衛氏，母因請來  
勸女。女曰：「不記姑之死節。家歎語未畢，淚落不止。衛  
氏亦哭。姻黨見之，悲哀不。視嗣是母防之密。六月二  
十日，雷雨大作，防少懈。女遂經死。

王恭先妻王氏，王欽妻靳氏，並守志節。

生員許爾謙妻劉氏年二十七夫歿守貞雍正十二年  
知縣邵之楷額表之

龐開泰妻劉氏年三十夫歿苦節撫孤壽七十有五而  
終其老也左手次指屈不能伸蓋以數十年常洗帽故  
凡帽將成以木爲範置於上豎左手抵其柢而右手刷  
摩之鄉土呼爲洗帽用次指尤力是以屈之久至不復  
伸劉自十七歸開泰所居惟破窯幾空不以素處高堂  
華屋陋其夫家開泰攻舉子業卽日夜洗帽鬻得錢粟  
佐其讀書開泰應童子試歸不懌劉慰之曰讀書本以  
明理功名何必繫心及開泰歿後數月母家請歸寧入

門其嫂見其瘠甚勸以改適聞之怒卽返追之躬自來  
謝前者失言然終身不至嫂之門矣子振才妻程氏事  
姑以孝聞劉得癱疾十餘年卧不能起則曰程家女善  
起我起不能卧則曰程家女善卧我飲食不能自入口  
則曰程家女善飯我故子必數入中惟程氏未嘗頃刻  
少離

生員衛世熙妻邢氏年二十一歲夫歿子天才撫之長爲  
諸生乾隆四年 旌

郭近利妻任氏志勵節苦節乾隆五年 旌

和繼聖妻陳氏年二十四歲夫歿子爲貴纔二齡苦節撫

孤爲貴長爲武生學使額表之。

歲貢生曹斐妻杜氏夫歿無子立繼嗣矢志守貞乾隆七年學使額表其門。

朱世傑妻高氏年二十七夫歿守貞乾隆七年知縣吳錯額表之。

高淳妻郭氏夫歿守貞乾隆八年知縣吳錯額表之。

仕金泰妻高氏夫歿守貞乾隆十四年知縣楊思恭額表之。

監生王以知之側室岳氏乾隆十五年 旌。

許楹妻張氏志勵節操乾隆十七年 旌。

趙伸妻許氏年二十三夫歿窮苦守貞事姑撫子乾隆二十四年歲大饑竟餓死年四十有七。

王思珩妻王氏夫歿姑老子幼勤織紡以供朝夕乾隆十八年學使額表其門。

王清楠妻張氏年二十一夫歿自縊死乾隆二十三年旌。

楊湛妻王氏年二十二夫歿子孝訓纔一齡截髮明志事舅姑盡婦職撫孝訓長爲諸生事聞得旌。

劉劇妻閻氏年二十四夫歿生子纔三月閻勤織紡事姑撫子苦節四十八年壽七十有二終。

龐世隆妻閻氏年二十六夫歿矢志守貞壽七十有七終。

劉治妻曹氏年二十方娠而夫歿閱二月子生矢志撫孤貧苦無所依勤刺繡甘凍餓子弱冠又夭繼孫撫之成立壽七十有六終。

閻斌妻張氏年二十九夫歿苦節撫孤壽七十七終。  
王之宓妻衛氏年二十八方娠而夫歿閱六月子生守節撫孤壽七十四終。

任珽妻趙氏年二十二夫歿子月新纔七齡勵節操織紡撫孤月新年十九爲諸生趙今八十有一。



金妻韓氏年二十二夫歿子又早夭父母欲其改適誓死不嫁苦節已五十六年

生員會城妻王氏夫早歿矢志撫孤及長授室又歿撫二孫苦節已五十餘年

歲貢生李昱之側室白氏年二十三昱歿白氏有子曰黃纒一齡矢志撫孤黃長爲諸生乾隆三十三年學使額表其門

武舉王之泰繼妻衛氏方娠而夫歿閱三月子生矢志撫孤子又早夭繼子爲夫後年四十八卒

白生瑞妻岳氏夫早歿事姑以孝聞苦節撫孤今已四

十餘年。

武祚興妻王氏年二十七夫歿矢志撫孤苦節已四十三年。

龐世茂妻逯氏世茂有學行逯事舅姑盡婦職鄰里咸稱其賢孝。

郭登甲妻馮氏年二十二夫歿矢志撫孤節操已四十年。

王棻妻劉氏年二十三夫歿家甚貧矢志撫孤織紡不輟苦節已三十四年。

生員王建隆妻王氏年十九夫歿子纔二齡矢志撫孤

節操已三十餘年

生員李菁妻王氏年十七夫歿矢志守貞節操已三十餘年

王進成妻高氏年十八夫歿子生纔五月矢志撫孤苦節已三十年

以上寧鄉縣